

## Pelajar Pendidikan Khas (Autisme) melawat UMP

Pekan, 21 Mei- Seramai 16 orang dalam kalangan guru dan pelajar Pendidikan Khas (Autisme) dari Sekolah Kebangsaan (SK) Serandu mengadakan lawatan sambil belajar ke Perpustakaan dan Kampus UMP Pekan. Lawatan yang bermula pada jam 9.00 pagi ini bertujuan memberi pendedahan yang bersesuaian dengan membawa pelajar menyaksikan sendiri kemudahan makmal, peralatan-peralatan dan mesin yang terdapat di dalam makmal Fakulti Kejuruteraan Elektrik dan Elektronik (FKEE) dan Fakulti Kejuruteraan Mekanikal (FKM).



Program turut mendapat kerjasama daripada sukarelawan pelajar dari Persatuan Pembimbing Rakan Siswa (PRS) Universiti Malaysia Pahang (UMP) yang turut membantu dalam memastikan program berjalan dengan lancar.

Menurut Ketua Pustakawan, Haji Ruslan Che Pee, UMP menghargai inisiatif sekolah dalam menyalurkan informasi dan membantu dalam mendidik kanak-kanak autisme ini. "Pelajar diajar cara menggunakan kemudahan di Perpustakaan selain berjaya memupuk kesedaran rajin membaca," katanya. Bagi Guru Sekolah, Juita Md Sidin berkata, lawatan ini serba sedikit membuka mata pelajar terhadap perkembangan dan teknologi baharu yang ada pada masa ini.



Selain itu, mahasiswa yang hadir juga berpeluang mendekati pelajar ini dengan memberi kata semangat dan perangsang kepada pelajar agar mereka dapat mencapai kecemerlangan pada masa hadapan.

*Berita dan gambar disediakan oleh Muhammed Fawwaz Abdul Rasid dari Perpustakaan UMP Pekan dan suntingan Bahagian Komunikasi Korporat PNC.*

Posted By : NOR FADZILLAH BINTI ZULKIPLI Date Posted : 04-06-2015, 14:58:19